



Extrait de la revue **SingularS** du 2^{ème} trimestre 2015

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Rizêye

Ça sint bon

C' è-st-one djon.ne comére ki vint vèy a l' ajance po wêtu d' trouvu solè a s' pîd. Èle è one alène a fé crèvè les mouches.

On bê djoûr, èle rucît one rèsponse. Èle s' aprète, èle su lâve les dints come i fôt èt pus èle mougne des sukes al mante po catchè s'n-alène du bû.

Çu k' èle nu sét nin, c' èst ki l' djon.ne ome è on problème ossu... Il è les pîds ki sintèt come on fromadje k' on-z-ôrot roviè in mwès dins l' fond d' l' ârmêre. Po k' ça n' sinte nin, il è trimpè ses pîds deûs eûres ô long dins dol javèl.

Vo lès la assan.ne èt après avèr brâmint côzè, i dècidant d' alè fé la ribouldingue... I vont ô restôrant. Jusk' asteûre, ça va bin, télmint bin k' i s' mètant d' acward du passè la nut' a l' ôtèl. I sont si eureûs k' i dècidant du s' mariè. On pon jin.nès, i s' avouwant chakin leû mô.

Tot an ratchouftant la comére i lî dit :

- Dj' ê ôk a v' dîre...

- Mi ossu... Dju sé ç' ku v's alez dîre : vos avez sucè mès tchôssètes.

Jean HERMAND (Hatrival)